

Kölsch Hännesche

Text und Musik: Albert Schneider (Orthographie angepasst)¹

- 1 Et schönste Kreppche, wat et gitt, dat gitt et doch zo Kölle.
 Wat saht ehr do? Ehr kennt dat nit? Dann muss ich ´t üch verzälle.
 Uns kölsch Theater es bekannt un vill gerühmp en Stadt un Land,
 dä Stöckcher spillt et allerhand, ehr dürft huh Aanspröch stelle.
 Es och vun Holz un Stoff sing Welt, et uns doch god gefällt.

Refrain:

Wann alle Pöppcher danze, zom tri, zom tru, zom tralala,
 dä Schäl geiht op et Ganze, zom tri, zom trude ra.
 Un wann dä Mählwurms Pitter su lösting spillt de Zither,
 un wann et Hännesche se all dann öm de Lappe schleiht,
 Jung, dann ha' mer Freud, Jung, dann ha' mer Freud,
 wann et Hännesche se all dann öm de Lappe schleiht,
 Jung dann ha' mir Kinder Freud!

Wann alle Pöppcher danze, zom tri, zom tru, zom tralala,
 dä Schäl geiht op et Ganze, zom tri, zom trude ra.
 Un wann dä Mählwurms Pitter su lösting spillt de Zither,
 un wann et Hännesche se all dann öm de Lappe schleiht,
 Jung, dann ha' mer Freud, Jung, dann ha' mer Freud,
 wann et Hännesche se all dann öm de Lappe schleiht,
 Jung dann ha' mir Kinder Freud!

- 2 Et Hännesche, dä löst'ge Fatz, dä mäht et Haupfigörche.
 Dä Schäl, dat es der Intrigant, der Baas sitz em Kontörche.
 Et Bärbelche un de Bestemo, och dä Speimanes, dä es do;
 der Tünn em Kamesölche blo en Nas hät wie e Föörche.
 Geiht endlich dann der Vürhang op, dann juhzen Weech un Stropp:

Refrain:

Wann alle Pöppcher ...

- 3 Uns Poppespillche hät en Plaatz en jedem Kinderhätze.
 Dat Bildche es jet ganz Apaats, süht mer die Quös do setze.
 Met rude Backe, heiße Köpp, su staune klein un große Ströpp;
 Wann et do bove richtig stöbb, vermaache sich die Fetze.
 Us jedem helle Kinderbleck, do stroht e sillig Glöck:

Refrain:

Wann alle Pöppcher ...

- 4 Grad wie beim kölsch Kumedespill, su geiht et off em Levve.
Dä Stöckelcher, dä gitt et vill, die hee wie do se gevve.
No süch se dir doch aan, de Lück! Dä ein, dä hät mem and're Strigg,
bes dat am Engk dann vun nem Stöck et ööntlich Ress gegevve.
Schlonn sei sich och de Auge blo, mer luure rähig zo:

Refrain:

Wann alle Pöppcher ...

¹ nach den Richtlinien der Rechtschreibung der Akademie für uns kölsche Sproch 2007